

Shërbimi i
Senatit
Plenar



REPUBLIKA E SHQIPËRISË
KUVENDI
GRUPI PARLAMENTAR I PARTISË SOCIALISTE

Nr. 3366 prot.

Tiranë, më 10.11.2025

Lënda: Depozitim projektligji

Drejtuar: **Z. NIKO PELESHI**
KRYETAR I KUVENDIT TË SHQIPËRISË

I nderuar z. Kryetar,

Bazuar në nenin 81 të Kushtetutës së Republikës së Shqipërisë dhe nenit 68 të Rregullores së Kuvendit, ju paraqes projektligjin “Për disa ndryshime në ligjin nr. 115/2016 “Për organet e qeverisjes së sistemit të drejtësisë”, të ndryshuar”.

DEPUTETI PROPOZUES

OLSI KOMICI



REPUBLIKA E SHQIPËRISË

KUVENDI

PROJEKTLIGJ

NR. ____/2025

“PËR DISA NDRYSHIME NË LIGJIN NR. 115/2016 “PËR ORGANET E QEVERISJES SË SISTEMIT TË DREJTËSISË”, TË NDRYSHUAR

Në mbështetje të neneve 81 dhe 83, pika 1, të Kushtetutës, me propozimin e një deputeti,

KUVENDI
I REPUBLIKËS SË SHQIPËRISË
VENDOSI:

Në ligjin nr. 115/2016 “Për organet e qeverisjes së sistemit të drejtësisë”, të ndryshuar, bëhen shtesat dhe ndryshimet e mëposhtme:

Neni 1

Pas nenit 1 shtohet neni 1/1 me këtë përmbajtje:

“Neni 1/1

Përkufizime

Për qëllim të këtij ligji termat e mëposhtëm kanë këtë kuptim:

a) “Pasuri” janë të gjitha pasuritë e luajtshme dhe të paluajtshme në Republikën e Shqipërisë ose jashtë saj, sipas parashikimit të nenit 4, të ligjit nr. 9049, datë 10.4.2013, “Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë”, i ndryshuar që janë në pronësi, posedim ose në përdorim të subjektit të rivlerësimit.”.

b) “Person i lidhur” është rrethi i personave që kanë marrëdhënie me kandidatin për anëtar të Këshillit, i përbërë nga bashkëshorti/ja, bashkëjetuesi/ja, fëmijët madhorë, si dhe çdo person tjetër të përmendur në certifikatën familjare të lëshuar nga zyra e gjendjes civile për kandidatin për anëtar të Këshillit.

c) “Persona të tjerë të lidhur” janë personat fizikë ose juridikë, që duket se kanë ose kanë pasur lidhje interesi me kandidatin për anëtar të Këshillit, që rrjedh nga një interes pasuror ose çdo marrëdhënie tjetër biznesi.

ç) “Person i përfshirë në krimin e organizuar” është çdo person që është dënuar ose proceduar penalisht, brenda ose jashtë territorit të Republikës së Shqipërisë, për një nga veprat e parashikuara në pikën 1, të nenit 3, të ligjit nr. 10 192, datë 3.12.2009, “Për parandalimin

dhe goditjen e krimit të organizuar, trafikimit dhe korrupsionit nëpërmjet masave parandaluese kundër pasurisë”, të ndryshuar, me përjashtim të rastit kur është deklaruar i pafajshëm me vendim gjyqësor të formës së prerë. Personi konsiderohet i përfshirë në krimin e organizuar edhe kur:

- i) procedimi penal i filluar ndaj tij pushohet nga organi procedues për shkak të vdekjes, ose sepse nuk mund të merret si i pandehur dhe nuk mund të dënohet;
- ii) deklarohet i pafajshëm nga gjykata pasi vepra penale është kryer nga një person, që nuk mund të akuzohet ose dënohet.
- d) “Të ardhura të ligjshme” janë të ardhurat e kandidatit për anëtar të Këshillit dhe personave të lidhur të tij/saj, sipas përcaktimeve të burimit të të ardhurave, të parashikuara në ligjin “Mbi tatimin mbi të ardhurat”.

Neni 2

Në nenin 19, në pikën 3, pas shkronjës “ç” shtohet shkronja “ç/1” me këtë përmbajtje: “ç/1) të kenë integritet të lartë moral dhe përgatitje të lartë profesionale”.

Neni 3

Në nenin 20, në pikën 1, fjalia e parë, togfjalëshi “katër muaj” zëvendësohet me togfjalëshin “dhjetë muaj”.

Neni 4

Në nenin 21, shtohen pikat 4, 5, 6, 7 dhe 8 me këtë përmbajtje:

“4. Avokatët e interesuar, brenda 15 ditëve nga shprehja e interesit, duhet të dorëzojnë deklaratën e pasurisë dhe interesave privatë për kontrollin e pasurive të kandidatëve për pozicione të ndryshme në Institucionet e Drejtësisë, në përputhje me nenin 5 pika 1 të ligjit “Për deklarimin të detyrimeve financiare të të zgjedhurve dhe të disa nëpunësve publikë” pranë Inspektoratit të Lartë të Deklarimit dhe Kontrollit të Pasurive dhe Konfliktit të Interesave, si dhe formularin e vetëdeklarimit për zbatimin e ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”, pranë Autoritetit Kombëtar për Sigurinë e Informacionit të Klasifikuar.”

5. Brenda afatit të parashikuar në pikën 4 të këtij neni, avokatët e interesuar dhe personat e lidhur me të, së bashku me deklaratën e pasurisë, duhet të paraqesin pranë Inspektoratit të Lartë të Deklarimit dhe Kontrollit të Pasurive, të gjithë dokumentet që justifikojnë vërtetësinë e deklarimeve dhe burimin e ligjshëm të krijimit të pasurive.

6. Inspektorati i Lartë për Deklarimin dhe Kontrollin e Pasurive dhe Konfliktit të Interesave bazuar në deklaratimet e pasurive, zhvillon një procedurë kontrolli në përputhje me ligjin “Për deklarimin dhe kontrollin e pasurive, detyrimeve financiare të personave të zgjedhur dhe nëpunësve të caktuar publikë”, ligjin “Për parandalimin e konfliktit të interesave në ushtrimin e funksioneve publike” dhe Kodin e Procedurave Administrative. Në përfundimin të kontrollit, Inspektorati i Lartë për Deklarimin dhe Kontrollin e Pasurive dhe Konfliktit të Interesit harton brenda 30 ditëve nga dorëzimi i dokumentacionit raportin për subjektin, dhe e përcjell pranë

Komisionit të Pavarur Ad Hoc sa më shpejt të jetë e mundur, jo më vonë se 7 ditë nga dita e përfundimit të raportit.

7. Jo më vonë se 15 ditë nga shpallja e thirrjes për paraqitjen e shprehjeve të interesit, kandidatët e interesuar dorëzojnë formularin e vetëdeklarimit të kontrollit të figurës të Autoritetit Kombëtar për Sigurinë e Informacionit të Klasifikuar sipas kërkesave të ligjit për informacionin e klasifikuar, pranë këtij institucioni.

8. Autoriteti Kombëtar për Sigurinë e Informacionit të Klasifikuar kryen kontrollin e saktësisë dhe vërtetësisë së deklarimit sipas ligjit brenda 30 ditëve nga paraqitja e formularëve të vetëdeklarimit dhe bashkëpunon me autoritetet ligjzbatuese për realizimin e kontrollit të saktësisë dhe vërtetësisë së deklarimit. Në përfundim të procedurës së verifikimit Autoriteti harton raportin për subjektin dhe e përcjell pranë Komisionit të Pavarur Ad Hoc sa më shpejt të jetë e mundur, por jo më vonë se 7 ditë nga dita e përfundimit të raportit."

Neni 5

Në nenin 22 bëhen këto ndryshime:

1. Shtohet pika 6 këtë përmbajtje:

"Avokati i Popullit, brenda 15 ditëve nga dorëzimi i shprehjeve të interesit dhe dokumentacionit shoqërues, mbledh të dhëna për çdo person të interesuar informacion nga Prokuroria e Përgjithshme, gjykata, administrata tatimore, autoritetet doganore, Prokuroria e Posaçme, Byroja Kombëtare e Hetimit, Agjencia e Inteligjencës Financiare, Autoriteti për Informimin mbi Dokumentet e ish – Sigurimit të Shtetit, si dhe çdo autoritet disiplinor dhe person fizik ose juridik që kanë të dhëna të vlefshme për qëllime verifikimi. Për kontrollin e përmbushjes së kushteve të përcaktuara në shkronjat "c" deri në "e" të nenit 19 të këtij ligji, nëse është e nevojshme, Avokati i Popullit i drejtohet Dhomës Kombëtare të Avokatisë për saktësinë e informacionit të deklaruar nga personi i interesuar".

2. Shtohet pika 7 me këtë përmbajtje:

"Çdo institucion publik ose person fizik ose juridik duhet të plotësojë kërkesat e Avokatit të Popullit për informacion, dokumente ose materiale të tjera, përveç rasteve kur përcaktohet ndryshe me ligj, brenda afateve të arsyeshme të përcaktuara nga Avokati i Popullit në kërkesat e tij".

Neni 6

Në nenin 31 bëhen këto shtesa dhe ndryshime:

1. Pas pikës 2 shtohen pika 2/1 dhe 2/2 me këtë përmbajtje:

"2/1. Komisioni i pavarur Ad Hoc çmon sipas bindjes së tij, se cilat fakte konsiderohen të provuara bazuar në vlerësimin e hollësishëm të raporteve të paraqitura nga institucionet kompetente, në përputhje me pikat 6 dhe 8 të nenit 21, si dhe në rezultatin tërësor të hetimit administrativ.

2/2. Komisioni i Pavarur Ad Hoc ka të drejtë të kërkojë akses të plotë në të dhënat që i nevojiten për procesin e verifikimit dhe vlerësimit, duke përfshirë dokumente të shkruara, elektronike, regjistra publike, si dhe çdo të dhënë tjetër të ligjshme që mbahet dhe përpunohet nga institucionet publike, personat fizikë dhe juridikë që ushtrojnë funksione publike sipas legjislacionit në fuqi. "

2. Pika 3 dhe 4 ndryshohen si më poshtë:

“3. Brenda 30 ditëve nga marrja e kërkesës, çdo organ publik është i detyruar të bashkëpunojë me Komisionin e Pavarur Ad Hoc për dorëzimin, aksesin dhe verifikimin e të dhënave, fakteve ose rrethanave. Mosbashkëpunimi ose refuzimi për të bashkëpunuar, shkatërrimi i të dhënave, vonesat gjatë procesit të verifikimit përbëjnë shkelje disiplinore.

4. Komisioni i Pavarur Ad Hoc vendos që kandidati të mos kalojë verifikimin e pasurisë dhe figurës kur:

a) ka mungesë të burimeve financiare të ligjshme për të justifikuar pasuritë, është kryer fshehje e pasurie, është kryer deklarim i rremë, subjekti gjendet në situatën e konfliktit të interesi bazuar në gjetjet e Inspektoratit të Lartë për Deklarimin dhe Kontrollin e Pasurive dhe Konfliktit të Interesave dhe të fakteve e provave që mund të kenë mbledhur nga institucione të tjera gjatë procesit të verifikimit;

b) kandidati ka lidhje apo kontakte me persona të përfshirë në krimin e organizuar, siç përcaktohet në ligjin për organizimin dhe funksionimin e institucioneve kundër korrupsionit dhe krimit të organizuar bazuar në kontrollin e kryer nga Autoriteti Kombëtar për Sigurinë e Informacionit të Klasifikuar dhe të fakteve e provave dokumenteve që mund të kenë mbledhur nga institucione të tjera gjatë procesit të verifikimit

c) ka shfaqur sjellje të rënda të papërshtatshme etike dhe morale që nuk është në përputhje me sjelljen e një zyrtari publik në sistemin gjyqësor dhe të prokurorisë.

5. Në fund të pikës 5, shtohet togfjalëshi “dhe i jep një kopje të raportit të vlerësimit”.

6. Pas pikës 6, shtohet pika 7 me këtë përmbajtje:

“7. Në ushtrimin e veprimtarisë Komisioni i Pavarur Ad Hoc respekton legjislacionin në fuqi për mbrojtjen e të dhënave personale në rastet kur mbledh, përpunon, administron dhe ruan të dhëna personale.”

Neni 7

Në nenin 35 bëhen këto shtesa dhe ndryshime:

1. Në pikën 1, fjalia e tretë ndryshohet si më poshtë:

“Asaj i bashkëngjitet dokumentacioni i plotë i dosjes së çdo kandidati dhe dokumentacioni i administruar gjatë procesit të vlerësimit, shoqëruar me inventarin e plotë”.

2. Pika 3 ndryshohet si më poshtë:

“3. Nëse dokumentacioni i kandidatit ose i institucioneve nuk është i plotë për të vlerësuar plotësimin e kushteve kushtetuese dhe ligjore, si dhe të kriterëve profesionale e morale, sipas pikës 3 të nenit 19 dhe pikave 4 deri në 10 të nenit 21, të këtij ligji, Sekretari i Përgjithshëm i kërkon kandidatit ose institucioneve që brenda 30 ditëve, të bëjnë plotësimin e dokumentacionit ose paraqitjen e dokumenteve shtesë. Njoftimi për plotësimin e dokumentacionit ose paraqitjen e dokumentacionit shtesë i dërgohet kandidatit në adresën elektronike të deklaruar. Sekretari i Përgjithshëm njofton menjëherë institucionet nga momenti i konstatimit të mangësive në dokumentacion.

3. Në pikën 4 togfjalëshi “5-ditor” zëvendësohet me togfjalëshin “30 ditor”.

4. Në pikën 7, shkronja “b”, fjalia e dytë ndryshohet si më poshtë:

“Lista e kandidatëve të përjashtuar përmban emrat e tyre dhe analizën në mënyrë të mirëarsyetuar për shkaqet e përjashtimit”.

5. Në pikën 8, pas fjalisë së parë shtohet fjalia me përmbajtje si vijon:

“Sekretari i Përgjithshëm nëse konstaton se ka mospërputhje të dukshme të rezultateve të raportit të vlerësimit me dokumentacionin e depozituar ose administruar ose janë kualifikuar persona në kundërshtim me kriteret e këtij ligji, duhet të informojë kryetarin e komisionit parlamentar përgjegjës për monitorimin e organeve të pavarura”.

Neni 8

Në nenin 36, në pikën 2, pas shkronjës ç shtohet shkronja ç/1) me këtë përmbajtje:

“ç/1) të kenë integritet të lartë moral dhe përgatitje të lartë profesionale”.

Neni 9

Në nenin 37, në pikën 1, fjalia e parë, togfjalëshi “katër muaj” zëvendësohet me togfjalëshin “dhjetë muaj”.

Neni 10

Në nenin 39 shtohen pikat 4, 5, 6, 7 dhe 8 më këtë përmbajtje:

“4. Pedagogët e interesuar, brenda 15 ditëve nga shprehja e interesit duhet të dorëzojnë deklaratën e pasurisë dhe interesave privatë për kontrollin e pasurive të kandidatëve për pozicione të ndryshme në Institucionet e Drejtësisë, në përputhje me nenin 5 pika 1 të ligjit “Për deklarimin të detyrimeve financiare të të zgjedhurve dhe të disa nëpunësve publikë” pranë Inspektoratit të Lartë të Deklarimit dhe Kontrollit të Pasurive dhe Konfliktit të Interesave, si dhe formularin e vetëdeklarimit për zbatimin e ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”, pranë Autoritetit Kombëtar për Sigurinë e Informacionit të Klasifikuar.”

“5. Brenda afatit të parashikuar në pikën 4 të këtij neni, pedagogët e interesuar dhe personat e lidhur me të, së bashku me deklaratën e pasurisë, duhet të paraqesin pranë Inspektoratit të Lartë të Deklarimit dhe Kontrollit të Pasurive, të gjithë dokumentet që justifikojnë vërtetësinë e deklarimeve dhe burimin e ligjshëm të krijimit të pasurive”.

“6. Inspektorati i Lartë për Deklarimin dhe Kontrollin e Pasurive dhe Konfliktit të Interesave bazuar në deklaratimet e pasurive, zhvillon një procedurë kontrolli në përputhje me ligjin “Për deklarimin dhe kontrollin e pasurive, detyrimeve financiare të personave të zgjedhur dhe nëpunësve të caktuar publikë”, ligjin “Për parandalimin e konfliktit të interesave në ushtrimin e funksioneve publike” dhe Kodin e Procedurave Administrative. Në përfundimin të kontrollit, Inspektorati i Lartë për Deklarimin dhe Kontrollin e Pasurive dhe Konfliktit të Interesit harton brenda 30 ditëve nga dorëzimi i dokumentacionit raportin për subjektin, dhe e përcjell sipas rastit pranë Dekanit të fakultetit të drejtësisë ose Drejtorit të Shkollës së Magjistraturës sa më shpejt të jetë e mundur, jo më vonë se 7 ditë nga dita e përfundimit të raportit”.

7. Jo më vonë se 15 ditë nga shpallja e thirrjes për paraqitjen e shprehjeve të interesit, kandidatët e interesuar dorëzojnë formularin e vetëdeklarimit të kontrollit të figurës të

Autoritetit Kombëtar për Sigurinë e Informacionit të Klasifikuar sipas kërkesave të ligjit për informacionin e klasifikuar, pranë këtij institucioni.

"8. Autoriteti Kombëtar për Sigurinë e Informacionit të Klasifikuar kryen kontrollin e saktësisë dhe vërtetësisë së deklaratimit sipas ligjit brenda 30 ditëve nga paraqitja e formularëve të vetëdeklarimit dhe bashkëpunon me autoritetet ligjzbatuese për realizimin e kontrollit të saktësisë dhe vërtetësisë së deklaratimit. Në përfundim të procedurës së verifikimit Autoriteti harton raportin për subjektin, dhe e përcjell sipas rastit pranë Dekanit të fakultetit të drejtësisë ose Drejtorit të Shkollës së Magjistraturës sa më shpejt të jetë e mundur, por jo më vonë se 7 ditë nga dita e përfundimit të raportit."

Neni 11

Në nenin 40 bëhen këto ndryshime:

1. Pika 1 ndryshon me këtë përmbajtje:

"Dekani i fakultetit të drejtësisë, brenda 15 ditëve nga dorëzimi i shprehjeve të interesit dhe dokumentacionit shoqërues, mbledh të dhëna për çdo person të interesuar informacion nga Prokuroria e Përgjithshme, gjykata, administrata tatimore, autoritetet doganore, Prokuroria e Posaçme, Byroja Kombëtare e Hetimit, Agjencia e Inteligjencës Financiare, Autoriteti për Informimin mbi Dokumentet e ish – Sigurimit të Shtetit, si dhe çdo autoritet disiplinor dhe person fizik ose juridik që kanë të dhëna të vlefshme për qëllime verifikimi.

2. Pas pikës 1 shtohen pikat 1/1, pika 1/2 dhe pika 1/3 me këtë përmbajtje:

"1/1. Dekanati i fakultetit të drejtësisë ka të drejtë të kërkojë akses të plotë në të dhënat që i nevojiten për procesin e verifikimit dhe vlerësimit, duke përfshirë dokumente të shkruara, elektronike, regjistra publikë, si dhe çdo të dhënë tjetër të ligjshme që mbahet dhe përpunohet nga institucionet publike, personat fizikë dhe juridikë që ushtrojnë funksione publike sipas legjislacionit në fuqi"

"1/2. Dekanati i fakultetit të drejtësisë çmon sipas bindjes së vet, se cilat fakte konsiderohen të provuara bazuar në vlerësimin e hollësishëm të raporteve të paraqitura nga institucionet kompetente, në përputhje me pikat 6 dhe 8 të nenit 39, si dhe në rezultatin tërësor të hetimit administrativ.

"1/3. Brenda 30 ditëve nga marrja e kërkesës, çdo institucion publik dhe personat fizikë e juridikë është i detyruar të bashkëpunojë me dekanatin e fakultetit të drejtësisë për dorëzimin, aksesin dhe verifikimin e të dhënave, fakteve ose rrethanave. Mosbashkëpunimi ose refuzimi për të bashkëpunuar, shkatërrimi i të dhënave, vonesat gjatë procesit të verifikimit përbëjnë shkelje disiplinore."

2. Pika 2 ndryshohet me këtë përmbajtje:

"Brenda 30 ditëve nga mbledhja e dokumentacionit nga institucionet publike ose personat fizikë dhe juridikë, dekanati i fakultetit të drejtësisë mbledhet në një mbledhje të posaçme për të verifikuar plotësimin e kushteve ligjore nga kandidatët. Verifikimi i plotësimit të kushteve ligjore dhe i mbështetjes është çështja e vetme në rendin e ditës së mbledhjes së njësisë. Mosverifikimi i saktë i plotësimit të kushteve ligjore përbën shkelje disiplinore për anëtarët e dekanatit të fakultetit të drejtësisë."

3. Pas pikës 4 shtohet pika 4/1 me këtë përmbajtje:

“Dekanati i fakultetit të drejtësisë vendos që kandidati të mos kalojë verifikimin e pasurisë dhe figurës kur:

a) ka mungesë të burimeve financiare të ligjshme për të justifikuar pasuritë, është kryer fshehje e pasurie, është kryer deklarim i rremë, subjekti gjendet në situatën e konfliktit të interesi bazuar në gjetjet e Inspektoratit të Lartë për Deklarimin dhe Kontrollin e Pasurive dhe Konfliktit të Interesave dhe të fakteve e provave që mund të kenë mbledhur nga institucione të tjera gjatë procesit të verifikimit;

b) kandidati ka lidhje apo kontakte me persona të përfshirë në krimin e organizuar, siç përcaktohet në ligjin për organizimin dhe funksionimin e institucioneve kundër korrupsionit dhe krimit të organizuar bazuar në kontrollin e kryer nga Autoriteti Kombëtar për Sigurinë e Informacionit të Klasifikuar dhe të fakteve e provave që mund të kenë mbledhur nga institucione të tjera gjatë procesit të verifikimit;

c) ka shfaqur sjellje të rënda të papërshtatshme etike dhe morale që nuk është në përputhje me sjelljen e një zyrtari publik në sistemin gjyqësor dhe të prokurorisë;

4. Në pikën 5, fjalia 2 ndryshohet si më poshtë:

“Në rastin e kandidimit të drejtuesit të dekanatit detyrat e tij kryhen prej një nga zëvendësdekanët e Fakultetit të Drejtësisë ose pedagogu më i vjetër në detyrë i Fakultetit”.

5. Pas pikës 6 shtohet pika 6/1 me këtë përmbajtje:

“Dekanati i Fakultetit të Drejtësisë dhe Këshilli Pedagogjik i Shkollës së Magjistraturës në ushtrimin e veprimtarisë së tyre respekton legjislacionin në fuqi për mbrojtjen e të dhënave personale në rastet kur mbledh, përpunon, administron dhe ruan të dhëna personale.”

Neni 12

Në nenin 53 pas pikës 1 shtohet pika 1/1 me këtë përmbajtje:

“Sekretari i Përgjithshëm nëse konstaton se ka mospërputhje të dukshme të rezultateve të raportit të vlerësimit me dokumentacionin e depozituar ose administruar ose janë kualifikuar persona në kundërshtim me kriteret e këtij ligji, i propozon rektorit të IAL-ve fillimin e procedimit disiplinor për anëtarët e dekanatit të fakultetit të drejtësisë”.

Neni 13

Në nenin 55, në pikën 1, fjalia e parë, togfjalëshi “katër muaj” zëvendësohet me togfjalëshin “dhjetë muaj”.

Neni 14

Në nenin 56 bëhen këto ndryshime:

1. Pas pikës 3 shtohen pikat 3/1, 3/2, 3/3, 3/4 dhe 3/5 me këtë përmbajtje:

“3/1. Kandidatët nga shoqëria civile, brenda 15 ditëve nga shprehja e interesit duhet të dorëzojnë deklaratën e pasurisë dhe interesave private për kontrollin e pasurive të kandidatëve për pozicione të ndryshme në Institucionet e Drejtësisë, në përputhje me nenin 5 pika 1 të ligjit “Për deklarimin e detyrimeve financiare të të zgjedhurve dhe të disa nëpunësve publikë” pranë Inspektoratit të Lartë të Deklarimit dhe Kontrollit të Pasurive dhe Konfliktit të

Interesave, si dhe formularin e vetëdeklarimit në zbatim të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike", pranë Autoritetit Kombëtar për Sigurinë e Informacionit të Klasifikuar.

"3/2. Brenda afatit të parashikuar në pikën 3/1 të këtij neni, kandidatët nga shoqëria civile dhe personat e lidhur me të, së bashku me deklaratën e pasurisë, duhet të paraqesin pranë Inspektoratit të Lartë të Deklarimit dhe Kontrollit të Pasurive, të gjithë dokumentet që justifikojnë vërtetësinë e deklarimeve dhe burimin e ligjshëm të krijimit të pasurive."

"3/3. Inspektorati i Lartë për Deklarimin dhe Kontrollin e Pasurive dhe Konfliktit të Interesave bazuar në deklaratimet e pasurive, zhvillon një procedurë kontrolli në përputhje me ligjin "Për deklarimin dhe kontrollin e pasurive, detyrimeve financiare të personave të zgjedhur dhe nëpunësve të caktuar publikë", ligjin "Për parandalimin e konfliktit të interesave në ushtrimin e funksioneve publike" dhe Kodin e Procedurave Administrative. Në përfundimin të kontrollit, Inspektorati i Lartë për Deklarimin dhe Kontrollin e Pasurive dhe Konfliktit të Interesave harton brenda 30 ditëve nga dorëzimi i dokumentacionit raportin për subjektin dhe e përcjell pranë Komisionit të shoqërisë civile sa më shpejt të jetë e mundur, jo më vonë se 7 ditë nga dita e përfundimit të raportit."

"3/4. Jo më vonë se 15 ditë nga shpallja e thirrjes për paraqitjen e shprehjeve të interesit, anëtarët e shoqërisë civile dorëzojnë formularin e vetëdeklarimit të kontrollit të figurës të Autoritetit Kombëtar për Sigurinë e Informacionit të Klasifikuar sipas kërkesave të ligjit për informacionin e klasifikuar, pranë këtij institucioni."

"3/5. Autoriteti Kombëtar për Sigurinë e Informacionit të Klasifikuar kryen kontrollin e saktësisë dhe vërtetësisë së deklaratimit sipas ligjit brenda 30 ditëve nga paraqitja e formularëve të vetëdeklarimit dhe bashkëpunon me autoritetet ligjzbatuese për realizimin e kontrollit të saktësisë dhe vërtetësisë së deklaratimit. Në përfundim të procedurës së verifikimit Autoriteti harton raportin për subjektin, dhe e përcjell pranë Komisionit të Pavarur Ad Hoc sa më shpejt të jetë e mundur, jo më vonë se 7 ditë nga dita e përfundimit të raportit."

2. Në pikën 9 afati "10 ditë" bëhet "30 ditë".

3. Pas pikës 9 shtohen pikat 9/1 dhe 9/2 me këtë përmbajtje:

"9/1. Avokati i Popullit, brenda 5 ditëve nga dorëzimi i shprehjeve të interesit dhe dokumentacionit shoqërues, mbledh të dhëna për çdo person të interesuar informacion nga Prokuroria e Përgjithshme, gjykata, administrata tatimore, autoritetet doganore, Prokuroria e Posaçme, Byroja Kombëtare e Hetimit, Agjencia e Inteligjencës Financiare, Autoriteti për Informimin mbi Dokumentet e ish – Sigurimit të Shtetit, si dhe çdo autoritet disiplinor dhe person fizik ose juridik që kanë të dhëna të vlefshme për qëllime verifikimi."

"9/2. Çdo institucion publik ose person fizik ose juridik duhet të plotësojë kërkesat e Avokatit të Popullit për informacion, dokumente ose materiale të tjera, përveç rasteve kur përcaktohet ndryshe me ligj, brenda afateve të arsyeshme të përcaktuara nga Avokati i Popullit në kërkesat e tij."

Neni 15

Në nenin 57 bëhen ndryshimet si vijon:

1. Pas pikës 1 shtohen pikat 1/1, 1/2, 1/3 me këtë përmbajtje:

“1/1. Komisioni i shoqërisë civile çmon sipas bindjes së tij se cilat fakte konsiderohen të provuara bazuar në vlerësimin e hollësishëm të raporteve të paraqitura nga institucionet kompetente, në përputhje me pikat 3/3 dhe 3/5 të nenit 56, si dhe në rezultatin tërësor të hetimit administrativ.”

“1/2. Komisioni i shoqërisë civile ka të drejtë të kërkojë akses të plotë në të dhënat që i nevojiten për procesin e verifikimit dhe vlerësimit, duke përfshirë dokumente të shkruara, elektronike, regjistra publikë, si dhe çdo të dhënë tjetër të ligjshme që mbahet dhe përpunohet nga institucionet publike, personat fizikë dhe juridikë që ushtrojnë funksione publike sipas legjislacionit në fuqi”.

1/2. “Brenda 30 ditëve nga marrja e kërkesës, çdo organ publik është i detyruar të bashkëpunojë me Komisionin e shoqërisë civile për dorëzimin, aksesin dhe verifikimin e të dhënave, fakteve ose rrethanave. Mosbashkëpunimi ose refuzimi për të bashkëpunuar, shkatërrimi i të dhënave, vonesat gjatë procesit të verifikimit përbëjnë shkelje disiplinore.”

“1/3. Komisioni i shoqërisë civile vendos që kandidati të mos kalojë verifikimin e pasurisë dhe figurës kur:

a) ka mungesë të burimeve financiare të ligjshme për të justifikuar pasuritë, është kryer fshehje e pasurie, është kryer deklarim i rremë, subjekti gjendet në situatën e konfliktit të interesi bazuar në gjetjet e Inspektoratit të Lartë për Deklarimin dhe Kontrollin e Pasurive dhe Konfliktit të Interesave dhe provave e fakteve që mund të kenë mbledhur nga institucione të tjera gjatë procesit të verifikimit;

b) kandidati ka lidhje apo kontakte me persona të përfshirë në krimin e organizuar, siç përcaktohet në ligjin për organizimin dhe funksionimin e institucioneve kundër korrupsionit dhe krimit të organizuar bazuar në kontrollin e kryer nga Autoriteti Kombëtar për Sigurinë e Informacionit të Klasifikuar dhe të provave e fakteve që mund të kenë mbledhur nga institucione të tjera gjatë procesit të verifikimit;

c) ka shfaqur sjellje të rënda të papërshtatshme etike dhe morale që nuk është në përputhje me sjelljen e një zyrtari publik në sistemin gjyqësor dhe të prokurorisë;

2. Pas pikës 6 shtohet pika 7 me këtë përmbajtje:

“Në ushtrimin e veprimtarisë Komisioni i shoqërisë civile respekton legjislacionin në fuqi për mbrojtjen e të dhënave personale në rastet kur mbledh, përpunon, administron dhe ruan të dhëna personale.”

Neni 16

Në nenin 98, pika 2, ndryshohet me këtë përmbajtje:

“2. Aktet administrative individuale të Këshillit, në lidhje me statusin e gjyqtarëve ose nëpunësve civilë gjyqësorë, për efekt të transparencës bëhen publike në faqen zyrtare të internetit të Këshillit, të shoqëruara me arsyetimin përkatës. Përgjashtimisht, nuk publikohen të dhënat sensitive sipas përkufizimit të dhënë në legjislacionin në fuqi për mbrojtjen e të dhënave personale. Të dhënat personale të personave të tretë që nuk janë subjekte të këtij ligji mbrohen sipas legjislacionit në fuqi për të dhënat personale”.

Neni 17

Në nenin 117, në pikën 3, shtohet shkronja ç/1) me këtë përmbajtje:
“ç/1) të kenë integritet të lartë moral dhe përgatitje të lartë profesionale”.

Neni 18

Në nenin 118, pika 1, fjalia e parë, togfjalëshi "katër muaj" zëvendësohet me togfjalëshin "dhjetë muaj".

Neni 19

Në nenin 119, shtohen pikat 4, 5, 6, 7 dhe 8 me këtë përmbajtje:

“4. Avokatët e interesuar, brenda 15 ditëve nga shprehja e interesit duhet të dorëzojnë deklaratën e pasurisë dhe interesave privatë për kontrollin e pasurive të kandidatëve për pozicione të ndryshme në Institucionet e Drejtësisë, në përputhje me nenin 5 pika 1 të ligjit “Për deklarimin të detyrimeve financiare të zgjedhurve dhe të disa nëpunësve publikë” pranë Inspektoratit të Lartë të Deklarimit dhe Kontrollit të Pasurive dhe Konfliktit të Interesave, si dhe formularin e vetëdeklarimit për zbatimin e ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”, pranë Autoritetit Kombëtar për Sigurinë e Informacionit të Klasifikuar.

“5. Brenda afatit të parashikuar në pikën 4 të këtij neni, avokatët e interesuar dhe personat e lidhur me të, së bashku me deklaratën e pasurisë, duhet të paraqesin pranë Inspektoratit të Lartë të Deklarimit dhe Kontrollit të Pasurive, të gjithë dokumentet që justifikojnë vërtetësinë e deklarimeve dhe burimin e ligjshëm të krijimit të pasurive.”

“6. Inspektorati i Lartë për Deklarimin dhe Kontrollin e Pasurive dhe Konfliktit të Interesave bazuar në deklaratimet e pasurive, zhvillon një procedurë kontrolli në përputhje me ligjin “Për deklarimin dhe kontrollin e pasurive, detyrimeve financiare të personave të zgjedhur dhe nëpunësve të caktuar publikë”, ligjin “Për parandalimin e konfliktit të interesave në ushtrimin e funksioneve publike” dhe Kodin e Procedurave Administrative. Në përfundimin të kontrollit, Inspektorati i Lartë për Deklarimin dhe Kontrollin e Pasurive dhe Konfliktit të Interesit harton brenda 30 ditëve nga dorëzimi i dokumentacionit raportin për subjektin, dhe e përcjell pranë Komisionit të Pavarur Ad Hoc sa më shpejt të jetë e mundur, jo më vonë se 7 ditë nga dita e përfundimit të raportit.”

“7. Jo më vonë se 15 ditë nga shpallja e thirrjes për paraqitjen e shprehjeve të interesit, kandidatët e interesuar dorëzojnë formularin e vetëdeklarimit të kontrollit të figurës të Autoritetit Kombëtar për Sigurinë e Informacionit të Klasifikuar sipas kërkesave të ligjit për informacionin e klasifikuar, pranë këtij institucioni.”

“8. Autoriteti Kombëtar për Sigurinë e Informacionit të Klasifikuar kryen kontrollin e saktësisë dhe vërtetësisë së deklaratimit sipas ligjit brenda 30 ditëve nga paraqitja e formularëve të vetëdeklarimit dhe bashkëpunon me autoritetet ligjzbatuese për realizimin e kontrollit të saktësisë dhe vërtetësisë së deklaratimit. Në përfundim të procedurës së verifikimit Autoriteti harton raportin për subjektin, dhe e përcjell pranë Komisionit të Pavarur Ad Hoc sa më shpejt të jetë e mundur, jo më vonë se 7 ditë nga dita e përfundimit të raportit.

Neni 20

Në nenin 120 bëhen këto ndryshime:

1. Shtohet pika 6 këtë përmbajtje:

“Avokati i Popullit, brenda 15 ditëve nga dorëzimi i shprehjeve të interesit dhe dokumentacionit shoqërues, mbledh të dhëna për çdo person të interesuar informacion nga Prokuroria e Përgjithshme, gjykata, administrata tatimore, autoritetet doganore, Prokuroria e Posaçme, Byroja Kombëtare e Hetimit, Agjencia e Inteligjencës Financiare, Autoriteti për Informimin mbi Dokumentet e ish – Sigurimit të Shtetit, si dhe çdo autoritet disiplinor dhe person fizik ose juridik që kanë të dhëna të vlefshme për qëllime verifikimi.”.

2. Shtohet pika 7 me këtë përmbajtje:

“Çdo institucion publik ose person fizik ose juridik duhet të plotësojë kërkesat e Avokatit të Popullit për informacion, dokumente ose materiale të tjera, përveç rasteve kur përcaktohet ndryshe me ligj, brenda afateve të arsyeshme të përcaktuara nga Avokati i Popullit në kërkesat e tij”.

Neni 21

Në nenin 129 bëhen këto ndryshime:

1. Pika 2 ndryshon me këtë përmbajtje:

“Komisioni i pavarur Ad Hoc çmon sipas bindjes së tij se cilat fakte konsiderohen të provuara bazuar në vlerësimin e hollësishëm të raporteve të paraqitura nga institucionet kompetente, në përputhje me pikat 6 dhe 8 të nenit 119, si dhe në rezultatin tërësor të hetimit administrativ.”

2. Pas pikës 2 shtohen pika 2/1 me këtë përmbajtje:

2/1 “Komisioni i Pavarur Ad Hoc ka të drejtë të kërkojë akses të plotë në të dhënat që i nevojiten për procesin e verifikimit dhe vlerësimit, duke përfshirë dokumente të shkruara, elektronike, regjistra publike, si dhe çdo të dhënë tjetër të ligjshme që mbahet dhe përpunohet nga institucionet publike, personat fizikë dhe juridikë që ushtrojnë funksione publike sipas legjislacionit në fuqi”.

3. Pika 3 dhe 4 zëvendësohen si më poshtë:

“3. Brenda 30 ditëve nga marrja e kërkesës, çdo organ publik është i detyruar të bashkëpunojë me Komisionin e Pavarur të Kualifikimit për dorëzimin, aksesin dhe verifikimin e të dhënave, fakteve ose rrethanave. Mosbashkëpunimi ose refuzimi për të bashkëpunuar, shkatërrimi i të dhënave, vonesat gjatë procesit të verifikimit përbëjnë shkelje disiplinore.”

“4. Komisioni i Pavarur Ad Hoc vendos që kandidati të mos kalojë verifikimin e pasurisë dhe figurës kur:

a) ka mungesë të burimeve financiare të ligjshme për të justifikuar pasuritë, është kryer fshehje e pasurie, është kryer deklaram i rremë, subjekti gjendet në situatën e konfliktit të interesi bazuar në gjetjet e Inspektoratit të Lartë për Deklarimin dhe Kontrollin e Pasurive dhe Konfliktit të Interesave dhe të fakteve e provave që mund të kenë mbledhur nga institucione të tjera gjatë procesit të verifikimit;

b) kandidati ka lidhje apo kontakte me persona të përfshirë në krimin e organizuar, siç përcaktohet në ligjin për organizimin dhe funksionimin e institucioneve kundër korrupsionit dhe krimit të organizuar bazuar në kontrollin e kryer nga Autoriteti

Kombëtar për Sigurinë e Informacionit të Klasifikuar dhe fakteve e provave që mund të kenë mbledhur nga institucione të tjera gjatë procesit të verifikimit;

c) ka shfaqur sjellje të rënda të papërshtatshme etike dhe morale që nuk është në përputhje me sjelljen e një zyrtari publik në sistemin gjyqësor dhe të prokurorisë.

5. Në fund të pikës 5 shtohet togfjalëshi *"dhe i jep një kopje të raportit të vlerësimit"*.

6. Pas pikës 6 shtohet pika 7 me këtë përmbajtje:

"Në ushtrimin e veprimtarisë Komisioni i Pavarur Ad Hoc respekton legjislacionin në fuqi për mbrojtjen e të dhënave personale në rastet kur mbledh, përpunon, administron dhe ruan të dhëna personale."

Neni 22

Në nenin 134 në pikën 2, pas shkronjës "ç" shtohet shkronja "ç/1" me këtë përmbajtje: *"ç/1) të kenë integritet të lartë moral dhe përgatitje të lartë profesionale"*.

Neni 23

Në nenin 135, pika 1, fjalia e parë, togfjalëshi *"katër muaj"* zëvendësohet me togfjalëshin *"dhjetë muaj"*.

Neni 24

Në nenin 137 bëhen shtohen pikat 4, 5, 6, 7 dhe 8 më këtë përmbajtje:

"4. Pedagogët e interesuar, brenda 15 ditëve nga shprehja e interesit duhet të dorëzojnë deklaratën e pasurisë dhe interesave privatë për kontrollin e pasurive të kandidatëve për pozicione të ndryshme në Institucionet e Drejtësisë, në përputhje me nenin 5 pika 1 të ligjit "Për deklarimin të detyrimeve financiare të të zgjedhurve dhe të disa nëpunësve publikë" pranë Inspektoratit të Lartë të Deklarimit dhe Kontrollit të Pasurive dhe Konfliktit të Interesave, si dhe formularin e vetëdeklarimit për zbatimin e ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike", pranë Autoritetit Kombëtar për Sigurinë e Informacionit të Klasifikuar.

"5. Brenda afatit të parashikuar në pikën 4 të këtij neni, pedagogët e interesuar dhe personat e lidhur me të, së bashku me deklaratën e pasurisë, duhet të paraqesin pranë Inspektoratit të Lartë të Deklarimit dhe Kontrollit të Pasurive, të gjithë dokumentet që justifikojnë vërtetësinë e deklarimeve dhe burimin e ligjshëm të krijimit të pasurive".

"6. Inspektorati i Lartë për Deklarimin dhe Kontrollin e Pasurive dhe Konfliktit të Interesave bazuar në deklaratimet e pasurive, zhvillon një procedurë kontrolli në përputhje me ligjin "Për deklarimin dhe kontrollin e pasurive, detyrimeve financiare të personave të zgjedhur dhe nëpunësve të caktuar publikë", ligjin "Për parandalimin e konfliktit të interesave në ushtrimin e funksioneve publike" dhe Kodin e Procedurave Administrative. Në përfundimin të kontrollit, Inspektorati i Lartë për Deklarimin dhe Kontrollin e Pasurive dhe Konfliktit të Interesit harton brenda 30 ditëve nga dorëzimi i dokumentacionit raportin për subjektin, dhe e përcjell sipas rastit pranë Dekanit të fakultetit të drejtësisë ose Drejtorit të Shkollës së Magjistraturës sa më shpejt të jetë e mundur, jo më vonë se 7 ditë nga dita e përfundimit të raportit".

7. Jo më vonë se 15 ditë nga shpallja e thirrjes për paraqitjen e shprehjeve të interesit, kandidatët e interesuar dorëzojnë formularin e vetëdeklarimit të kontrollit të figurës të Autoritetit Kombëtar për Sigurinë e Informacionit të Klasifikuar sipas kërkesave të ligjit për informacionin e klasifikuar, pranë këtij institucioni.

"8. Autoriteti Kombëtar për Sigurinë e Informacionit të Klasifikuar kryen kontrollin e saktësisë dhe vërtetësisë së deklarimit sipas ligjit brenda 30 ditëve nga paraqitja e formularëve të vetëdeklarimit dhe bashkëpunon me autoritetet ligjzbatuese për realizimin e kontrollit të saktësisë dhe vërtetësisë së deklarimit. Në përfundim të procedurës së verifikimit Autoriteti harton raportin për subjektin, dhe e përcjell sipas rastit pranë Dekanit të fakultetit të drejtësisë ose Drejtorit të Shkollës së Magjistraturës sa më shpejt të jetë e mundur, por jo më vonë se 7 ditë nga dita e përfundimit të raportit.

Neni 25

Në nenin 138, bëhen këto ndryshime:

1. Pika 1 ndryshon me këtë përmbajtje:

"Dekani i fakultetit të drejtësisë, brenda 15 ditëve nga dorëzimi i shprehjeve të interesit dhe dokumentacionit shoqërues, mbledh të dhëna për çdo person të interesuar informacion nga Prokuroria e Përgjithshme, gjykata, administrata tatimore, autoritetet doganore, Prokuroria e Posaçme, Byroja Kombëtare e Hetimit, Agjencia e Inteligjencës Financiare, Autoriteti për Informimin mbi Dokumentet e ish – Sigurimit të Shtetit, si dhe çdo autoritet disiplinor dhe person fizik ose juridik që kanë të dhëna të vlefshme për qëllime verifikimi.

2. Pas pikës 1 shtohen pikat 1/1, pika 1/2 dhe pika 1/3 me këtë përmbajtje:

"1/1. Dekanati i fakultetit të drejtësisë ka të drejtë të kërkojë akses të plotë në të gjitha bazat e të dhënave që i nevojiten për procesin e verifikimit dhe vlerësimit, duke përfshirë dokumente të shkruara, elektronike, regjistra publike, si dhe çdo të dhënë tjetër të ligjshme që mbahet dhe përpunohet nga institucionet publike, personat fizikë dhe juridikë që ushtrojnë funksione publike sipas legjislacionit në fuqi".

"1/2. Dekanati i fakultetit të drejtësisë çmon sipas bindjes së vet, se cilat fakte konsiderohen të provuara bazuar në vlerësimin e hollësishëm të raporteve të paraqitura nga institucionet kompetente, në përputhje me pikat 6 dhe 8 të nenit 137, si dhe në rezultatin tërësor të hetimit administrativ."

"1/3. Brenda 30 ditëve nga marrja e kërkesës, çdo institucion publik dhe personat fizikë e juridikë është i detyruar të bashkëpunojë me dekanatin e fakultetit të drejtësisë për dorëzimin, aksesin dhe verifikimin e të dhënave, fakteve ose rrethanave. Mosbashkëpunimi ose refuzimi për të bashkëpunuar, shkatërrimi i të dhënave, vonesat gjatë procesit të verifikimit përbëjnë shkelje disiplinore."

2. Pika 2 ndryshohet si më poshtë:

"Brenda 30 ditëve nga mbledhja e dokumentacionit nga institucionet publike ose personat fizikë dhe juridikë, dekanati i fakultetit të drejtësisë mbledhet në një mbledhje të posaçme për të verifikuar plotësimin e kushteve ligjore nga kandidatët. Verifikimi i plotësimit të kushteve ligjore dhe i mbështetjes është çështja e vetme në rendin e ditës së mbledhjes së njësisë. Mosverifikimi i saktë i plotësimit të kushteve ligjore përbën shkelje disiplinore për anëtarët e dekanatit të fakultetit të drejtësisë."

3. Pas pikës 4 shtohet pika 4/1 me këtë përmbajtje:

“Dekanati i fakultetit të drejtësisë vendos që kandidati të mos kalojë verifikimin e pasurisë dhe figurës kur:

a) ka mungesë të burimeve financiare të ligjshme për të justifikuar pasuritë, është kryer fshehje e pasurie, është kryer deklarim i rremë, subjekti gjendet në situatën e konfliktit të interesi bazuar në gjetjet e Inspektoratit të Lartë për Deklarimin dhe Kontrollin e Pasurive dhe Konfliktit të Interesave dhe të fakteve e provave që mund të kenë mbledhur nga institucione të tjera gjatë procesit së verifikimit;

b) kandidati ka lidhje apo kontakte me persona të përfshirë në krimin e organizuar, siç përcaktohet në ligjin për organizimin dhe funksionimin e institucioneve kundër korrupsionit dhe krimit të organizuar bazuar në kontrollin e kryer nga Autoriteti Kombëtar për Sigurinë e Informacionit të Klasifikuar dhe fakteve e provave që mund të kenë mbledhur nga institucione të tjera gjatë procesit së verifikimit;

c) ka shfaqur sjellje të rënda të papërshtatshme etike dhe morale që nuk është në përputhje me sjelljen e një zyrtari publik në sistemin gjyqësor dhe të prokurorisë;

4. Në pikën 5, fjalia 2 ndryshohet si më poshtë:

“Në rastin e kandidimit të drejtuesit të dekanatit detyrat e tij kryhen prej një nga zëvendësdekanët e Fakultetit të Drejtësisë ose pedagogu më i vjetër në detyrë i Fakultetit”.

5. Pas pikës 6 shtohet pika 6/1 me këtë përmbajtje:

“Dekanati i Fakultetit të Drejtësisë dhe Këshilli Pedagogjik i Shkollës së Magjistraturës në ushtrimin e veprimtarisë së tyre respekton legjislacionin në fuqi për mbrojtjen e të dhënave personale në rastet kur mbledh, përpunon, administron dhe ruan të dhëna personale.”

Neni 26

Në nenin 151 pas pikës 1 shtohet pika 1/1 me këtë përmbajtje:

“Sekretari i Përgjithshëm nëse konstaton se ka mospërputhje të dukshme të rezultateve të raportit të vlerësimit me dokumentacionin e depozituar ose administruar ose janë kualifikuar persona në kundërshtim me kriteret e këtij ligji, i propozon rektorit të IAL-ve fillimin e procedimit disiplinor për anëtarët e dekanatit të fakultetit të drejtësisë”.

Neni 27

Në nenin 153, pika 1, fjalia e parë, togfjalëshi “katër muaj” zëvendësohet me togfjalëshin “dhjetë muaj”.

Neni 28

Në nenin 154 bëhen këto ndryshime:

1. Pas pikës 3 shtohen pikat 3/1, 3/2, 3/3, 3/4 dhe 3/5 me këtë përmbajtje:

“3/1. Kandidatët nga shoqëria civile, brenda 15 ditëve nga shprehja e interesit duhet të dorëzojnë deklaratën e pasurisë dhe interesave private për kontrollin e pasurive të kandidatëve për pozicione të ndryshme në Institucionet e Drejtësisë, në përputhje me nenin 5 pika 1 të ligjit “Për deklarimin e detyrimeve financiare të të zgjedhurve dhe të disa nëpunësve

publikë” pranë Inspektoratit të Lartë të Deklarimit dhe Kontrollit të Pasurive dhe Konfliktit të Interesave, si dhe formularin e vetëdeklarimit në zbatim të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”, pranë Autoritetit Kombëtar për Sigurinë e Informacionit të Klasifikuar.

“3/2. Brenda afatit të parashikuar në pikën 3/1 të këtij neni, kandidatët e interesuar nga shoqëria civile dhe personat e lidhur me të, së bashku me deklaratën e pasurisë, duhet të paraqesin pranë Inspektoratit të Lartë të Deklarimit dhe Kontrollit të Pasurive, të gjithë dokumentet që justifikojnë vërtetësinë e deklarimeve dhe burimin e ligjshëm të krijimit të pasurive.”

“3/3. Inspektorati i Lartë për Deklarimin dhe Kontrollin e Pasurive dhe Konfliktit të Interesave bazuar në deklaratimet e pasurive, zhvillon një procedurë kontrolli në përputhje me ligjin “Për deklarimin dhe kontrollin e pasurive, detyrimeve financiare të personave të zgjedhur dhe nëpunësve të caktuar publikë”, ligjin “Për parandalimin e konfliktit të interesave në ushtrimin e funksioneve publike” dhe Kodin e Procedurave Administrative. Në përfundimin të kontrollit, Inspektorati i Lartë për Deklarimin dhe Kontrollin e Pasurive dhe Konfliktit të Interesit harton brenda 30 ditëve nga dorëzimi i dokumentacionit raportin për subjektin, dhe e përcjell pranë komisionit të shoqërisë civile sa më shpejt të jetë e mundur, jo më vonë se 7 ditë nga dita e përfundimit të raportit.”

“3/4. Jo më vonë se 15 ditë nga shpallja e thirrjes për paraqitjen e shprehjeve të interesit, kandidatët e interesuar të shoqërisë civile dorëzojnë formularin e vetëdeklarimit të kontrollit të figurës të Autoritetit Kombëtar për Sigurinë e Informacionit të Klasifikuar sipas kërkesave të ligjit për informacionin e klasifikuar, pranë këtij institucioni.”

“3/5. Autoriteti Kombëtar për Sigurinë e Informacionit të Klasifikuar kryen kontrollin e saktësisë dhe vërtetësisë së deklaratimit sipas ligjit brenda 30 ditëve nga paraqitja e formularëve të vetëdeklarimit dhe bashkëpunon me autoritetet ligjzbatuese për realizimin e kontrollit të saktësisë dhe vërtetësisë së deklaratimit. Në përfundim të procedurës së verifikimit Autoriteti harton raportin për subjektin, dhe e përcjell pranë Komisionit të Pavarur Ad Hoc sa më shpejt të jetë e mundur, jo më vonë se 7 ditë nga dita e përfundimit të raportit.

2. Në pikën 9 afati “10 ditë” bëhet “30 ditë”.

3. Pas pikës 9 shtohen pikat 9/1 dhe 9/2 me këtë përmbajtje:

“9/1. Avokati i Popullit, brenda 5 ditëve nga dorëzimi i shprehjeve të interesit dhe dokumentacionit shoqërues, ka të drejtë të kërkojë të dhëna për çdo person të interesuar informacion nga Prokuroria e Përgjithshme, gjykata, administrata tatimore, autoritetet doganore, Prokuroria e Posaçme, Byroja Kombëtare e Hetimit, Agjencia e Inteligjencës Financiare, Autoriteti për Informimin mbi Dokumentet e ish – Sigurimit të Shtetit, si dhe çdo autoritet disiplinor dhe person fizik ose juridik që kanë të dhëna të vlefshme për qëllime verifikimi.”

“9/2. Çdo institucion publik ose person fizik ose juridik duhet të plotësojë kërkesat e Avokatit të Popullit për informacion, dokumente ose materiale të tjera, përveç rasteve kur përcaktohet ndryshe me ligj, brenda afateve të arsyeshme të përcaktuara nga Avokati i Popullit në kërkesat e tij.”.

Neni 29

Në nenin 155 bëhen ndryshimet si vijon:

1. Pas pikës 1 shtohen pikat 1/1, 1/2, 1/3 me këtë përmbajtje:

"1/1. Komisioni i shoqërisë civile çmon, sipas bindjes së tij se cilat fakte konsiderohen të provuara bazuar në vlerësimin e hollësishëm të raporteve të paraqitura nga institucionet kompetente, në përputhje me pikat 3/3 dhe 3/5 të nenit 154, si dhe në rezultatin tërësor të hetimit administrativ.

"1/2. Komisioni i shoqërisë civile ka të drejtë të kërkojë akses të plotë në të dhënat që i nevojiten për procesin e verifikimit dhe vlerësimit, duke përfshirë dokumente të shkruara, elektronike, regjistra publike, si dhe çdo të dhënë tjetër të ligjshme që mbahet dhe përpunohet nga institucionet publike, personat fizikë dhe juridikë që ushtrojnë funksione publike sipas legjislacionit në fuqi".

1/2. "Brenda 30 ditëve nga marrja e kërkesës, çdo organ publik është i detyruar të bashkëpunojë me Komisionin e shoqërisë civile për dorëzimin, aksesin dhe verifikimin e të dhënave, fakteve ose rrethanave. Mosbashkëpunimi ose refuzimi për të bashkëpunuar, shkatërrimi i të dhënave, vonesat gjatë procesit të verifikimit përbëjnë shkelje disiplinore."

"1/3. Komisioni i shoqërisë civile vendos që kandidati të mos kalojë verifikimin e pasurisë dhe figurës kur:

a) ka mungesë të burimeve financiare të ligjshme për të justifikuar pasuritë, është kryer fshehje e pasurie, është kryer deklarim i rremë, subjekti gjendet në situatën e konfliktit të interesi bazuar në gjetjet e Inspektoratit të Lartë për Deklarimin dhe Kontrollin e Pasurive dhe Konfliktit të Interesave dhe të fakteve e provave që mund të kenë mbledhur nga institucione të tjera gjatë procesit të verifikimit;

b) kandidati ka lidhje apo kontakte me persona të përfshirë në krimin e organizuar, siç përcaktohet në ligjin për organizimin dhe funksionimin e institucioneve kundër korrupsionit dhe krimit të organizuar bazuar në kontrollin e kryer nga Autoriteti Kombëtar për Sigurinë e Informacionit të Klasifikuar dhe të fakteve e provave që mund të kenë mbledhur nga institucione të tjera gjatë procesit të verifikimit;

c) ka shfaqur sjellje të rënda të papërshtatshme etike dhe morale që nuk është në përputhje me sjelljen e një zyrtari publik në sistemin gjyqësor dhe të prokurorisë;

2. Pas pikës 6 shtohet pika 7 me këtë përmbajtje:

"Në ushtrimin e veprimtarisë Komisioni i shoqërisë civile respekton legjislacionin në fuqi për mbrojtjen e të dhënave personale në rastet kur mbledh, përpunon, administron dhe ruan të dhëna personale."

Neni 30

Në nenin 170 bëhen ndryshimet si më poshtë:

1. Pika 1 ndryshohet si më poshtë:

"1. Këshilli i Lartë Gjyqësor dhe Këshilli i Lartë i Prokurorisë, të paktën 2 herë në vit dhe sa herë konsiderohet e nevojshme, organizojnë mbledhje të përbashkëta për shkëmbimin e përvojave, për unifikimin e interpretimit dhe zbatimit të ligjeve, lidhur me ushtrimin e funksioneve dhe organizimit të tyre, si dhe të çështjeve të përgjithshme të lidhura me funksionimin e sistemit të drejtësisë".

2. Pika 4 ndryshohet si më poshtë:

“Presidenti i Republikës, Kryetari i Gjykatës Kushtetuese, Kryetari i Gjykatës së Lartë, Ministri i Drejtësisë, Kryetarët e Gjykatave të Posaçme të Shkallës së Parë dhe të Apelit për gjykimin e veprave penale të Korrupsionit dhe Krimit të Organizuar, Drejtuesi i Prokurorisë së Posaçme, Prokurori i Përgjithshëm, Inspektori i Lartë i Drejtësisë dhe Drejtor i Shkollës së Magjistraturës ftohen të marrin pjesë në këto mbledhje të përbashkëta. Nëse është e përshtatshme çdo palë tjetër e interesuar ftohen të marrin pjesë në këto mbledhje të përbashkëta.”

3. Pas pikës 4, shtohen pikat 5 dhe pika 6 me këtë përmbajtje:

“5. Me qëllim koordinimin e hartimit dhe zbatimit të politikave shtetërore në sektorin e drejtësisë, përfshirë në veçanti hartimin, zbatimin, monitorimin, vlerësimin dhe raportimin mbi:

a) strategjitë, mbledhjen dhe analizën e të dhënave statistikore të lidhura me to, që hyjnë në kompetencën e Ministrisë së Drejtësisë, si edhe strategjitë ndërsektoriale;
b) udhërrëfyesit, planet e veprimit dhe dokumentet strategjike si dhe mbledhjen dhe analizën e të dhënave statistikore të lidhura me to, që lidhen me procesin e integritetit evropian në sektorin e drejtësisë;

c) çështjet që lidhen me ndihmën e huaj;

Ministri i Drejtësisë thërret mbledhje koordinimi dhe miraton udhëzime të përbashkëta me titullarët e institucioneve përkatëse për përmbushjen e detyrimeve të parashikuara në këtë nen, përfshirë modelet, udhëzimet dhe afatet, monitorimin dhe raportimin.

6. Ministri i Drejtësisë drejton mekanizmat për koordinimin e integruar të politikave shtetërore në sektorin e drejtësisë. Mekanizmat për koordinimin e integruar të politikave shtetërore në sektorin e drejtësisë miratohen me vendim të Këshillit të Ministrave.

Neni 31

Në nenin 190, pika 2, ndryshohet me këtë përmbajtje:

“2. Aktet administrative individuale të Këshillit, në lidhje me statusin e prokurorëve ose nëpunësve civilë të sistemit të prokurorisë, për efekt të transparencës bëhen publike në faqen zyrtare të internetit të Këshillit, të shoqëruara me arsyetimin përkatës. Përfshirë, nuk publikohen të dhënat sensitive sipas përkufizimit të dhënë në legjislacionin në fuqi për mbrojtjen e të dhënave personale. Të dhënat personale të personave të tretë që nuk janë subjekte të këtij ligji mbrohen sipas legjislacionit në fuqi për të dhënat personale.”.

Neni 32

Në nenin 209, në pikën 5, shkronja “a” ndryshohet si më poshtë:

“a) në kohën e komandimit të ketë të ushtruar funksionin për jo më pak se 10 vjet, prej të cilave të cilave jo më pak se shtatë vjet si gjyqtar ose prokuror, duke përfshirë edhe përvojën si magjistrat i komanduar sipas ligjit për statusin e gjyqtarëve dhe prokurorëve”.

Neni 33

Në nenin 210 bëhen ndryshimet si më poshtë:

1. Pika 1 ndryshohet si më poshtë:

“Inspektorët magjistratë dhe inspektorët jomagjistratë të Zyrës së Inspektorit të Lartë të Drejtësisë gëzojnë pagën dhe përfitimet e gjyqtarit të gjykatës së apeli”.

2. Pika 2 shfuqizohet.

Neni 34

Në nenin 211 bëhen ndryshimet si më poshtë:

1. Në pikën 1, fjalia e parë ndryshon si më poshtë:

“Inspektorët magjistratë komandohen në këtë detyrë nga Këshilli i Lartë Gjyqësor ose Këshilli i Lartë i Prokurorisë për një periudhë 7-vjeçare, me të drejtë riemërimi”.

2. Në pikën 2, pas fjalisë së parë shtohet fjalia me këtë përmbajtje:

“Inspektorët e tjerë që përpara emërimit punonin me kohë të plotë në sektorin publik, rikthehen në vendin e mëparshëm të punës ose, në pamundësi, në një detyrë të barasvlershme me të”.

Neni 35

Në nenin 244, pika 4, ndryshohet si më poshtë:

“4. Shkolla e Magjistraturës pranon në programin e trajnimit fillestar dhe vazhdues sipas ligjit, kandidatët për këshilltarë dhe ndihmës ligjor të gjykatave dhe prokurorive si dhe të prokurorisë së posaçme, sipas ligjit”.

Neni 36

Në neni 264 bëhen këto ndryshime:

1. Pas pikës 1 shtohet pika 1/1 me këtë përmbajtje:

“1/1. Magjistrati që nuk ka kaluar me sukses procesin e rivlerësimit kalimtar të prokurorëve dhe gjyqtarëve ose ka dhënë dorëheqjen, pa iu nënshtruar procesit të rivlerësimit në përputhje me ligjin nr. 84/2016 “Për rivlerësimin kalimtar të gjyqtarëve dhe prokurorëve në Republikën e Shqipërisë”, sipas vendimit përkatës të organeve kompetente, nuk mund të përzgjidhet në detyrën e pedagogut, trajnerit/ekspertit në programet e formimit fillestar dhe vazhdues të Shkollës së Magjistraturës”.

Neni 37

Neni 274 ndryshohet si më poshtë:

“Neni 274

Konkurrimi, formimi fillestar dhe vazhdues i këshilltarëve ligjorë dhe ndihmësve ligjorë të gjykatave dhe prokurorive

1. Konkurruesit për kandidatë për këshilltar ligjorë dhe ndihmës ligjorë të gjykatave dhe prokurorive, sipas kushteve të parashikuara në ligj, i nënshtrohen konkurrimit bazuar në një testim të posaçëm që hartohet nga Shkolla e Magjistraturës për profilet e punës së këshilltarëve

ligjorë dhe ndihmësve ligjorë. Për hartimin e testimit Shkolla e Magjistraturës këshillohet me Këshillin e Lartë Gjyqësor, Këshillin e Lartë të Prokurorisë, Gjykatën e Lartë, Prokurorin e Përgjithshëm, drejtuesin e Prokurorisë së Posaçme mbi tematikat e mundshme të testimit dhe aftësitë e nevojshme për t'u bërë këshilltarë ligjorë ose ndihmës ligjorë.

2. Programi i formimit fillestar të këshilltarëve ligjorë dhe ndihmësve ligjorë të gjykatave dhe prokurorive përfshin një periudhë një vjeçare që përbëhet nga një program i posaçëm teoriko-praktik që synon të rrisë njohuritë në lëndë të ndryshme të së drejtës si dhe rrisë aftësitë praktike që kërkohen në ushtrimin e funksionit të këshilltarit ligjor ose ndihmës ligjor”.

Neni 38
Hyrja në fuqi

Ky ligj hyn në fuqi 15 ditë pas botimit në Fletoren Zyrtare.

K R Y E T A R
NIKO PELESHI